

**DE  
FEBRI PUERPERALI,**

---

**DISSERTATIO**

INAUGURALIS MEDICA

QUAM

CONSENSU ET AUCTORITATE  
GRATIOSI MEDICORUM ORDINIS

IN

UNIVERSITATE LITERARIA  
FRIDERICA GUILELMA

PRO SUMMIS

IN MEDICINA ET CHIRURGIA HONORIBUS

RITE SIBI CONCILIANDIS

*DIE XVII. M. AUGUSTI A. MDCCCXXXVI.*

H. L. Q. S.

PUBLICAE DEFENSURUS EST

AUCTOR

**GUSTAVUS BOISSERÉE**

RHENANO-BORUSSUS.

---

OPPONENTIBUS:

**RICHARD. HASENKLEVER**, MED. ET CHIR. CAND.

**BRUNONE KLAUS**, MED. ET CHIR. CAND.

**BERNARD. MARTZELLER**, MED. ET CHIR. CAND.

---

**BEROLINI,**  
TYPIS NIETACKIANIS.

+



50

THE UNIVERSITY OF CHICAGO PRESS

THE UNIVERSITY OF CHICAGO PRESS

CHICAGO, ILL. 60607

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

CHICAGO, ILL. 60607

THE UNIVERSITY OF CHICAGO PRESS

CHICAGO, ILL. 60607

THE UNIVERSITY OF CHICAGO PRESS

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607



# **DR. SULPIZIO BOISSERÉE**

**CONSILIARIO REGIS BAVARICI IN REBUS SUPREMIS  
MINISTERII**

MEMORANDUM FOR THE RECORD

SUBJECT: [Illegible]

NEC NON

RECEIVED

**MELCHIORI BOISSERÉE**

**AVUNCULIS DILECTISSIMIS.**

**HAS**

**QUAESCUNQUE PAGELLAS**

**D. D. D.**

**AUCTOR.**

---

## §. I.

### SYMPTOMATOLOGIA.

**F**ebris puerperalis symptomata agnoscit prodroma; imprimis si epidemice grassatur; haecce symptomata partui aut antecedunt, aut eum comitantur, aut eum tempore plus minusve brevi insequuntur.

Symptomata prodroma partim psychica sunt, partim somatica. Coenaesthesia admodum alienata adparet, insolita animi hilaritas cum ejusdem dejectione alternat, qua symptoma pessimum insuperabilis mortis instantis timor durante graviditate observatur.

Symptomatum somaticorum cohors functiones tubi intestinalis laesas concernit, quae inter appetitus prostratus, vomituritiones frequentes, vomitus ipse, sensatio pressionis in scrobiculo cordis, anxietas, dolores colici, diarrhoea denique referenda sunt.

Durante epidemia, in nosocomio Rouensi anno 1793 observata, dolores colici leves ac transitorii aliquot ante partum diebus intrantes morbum ipsum certissime adnuntiarunt, quamquam ex abdomine molli, parum tumido nil mali ominari potueris (1).

---

(1) Alphon. Leroy traité des pertes de sang p. 52. et seq.



Sub partu ipso uteri contractio vehemens et ad summum usque gradum intensa animadvertitur, nonnunquam reactio febrilis sese adsociat, cui brevi virium nimis intensarum exhaustio subsequa fit. Interdum uteri contractiones insufficientes ac inordinatae procedunt, imo spasmus summe dolorificum sibi adjungunt, interdum ejusdem torpor ad eum usque gradum increscit, ut haemorrhagiae periculosissimae superveniant ac partus ipse arte accelerari debeat.

In casibus rarioribus absque symptomatibus prodromis horripilatio, imo horror febrilis subsequo calore intenso, siti inexplebili, cute arida ac dolore in abdomine acerbissimo sub partu statim in lucem prodeunt; physiognomia mirum in modum tunc alienata ac partus ni ars succurrat, in dies protrahitur.

Febris puerperalis exordium die tamen secundo et quinto post partum frequentissime observatum est.

Horror febrilis vehemens nobis scenam non raro aperit; nec tamen casus defuerunt, in quibus horripilatio levis ad singulas nonnisi corporis regiones, ex gr. crura, truncum restricta, ac intervallo aliquot horarum saepius repetita morbum inchoabat. Joh. Clarke (1) vero in epidemia ab ipso observata vix unquam morbum horrore incepisse monet. Calor frigori subsequus plerumque siccus ac urens est, sudore tamen prius seriusve eum excipiente aliquid mitigatur. Cephalaea in frontis regione vehementissima aegras persaepe excruciat, cui dolores in abdomine, in regione praeprimis umbilici, uteri, aut ovariorum sese adsociant. Dolores hi ad hypochondria ex-

(1) Gekrönte Preisschrift von Dr. H. C. Baudelocque übersetzt, v. Dr. Fr. Wilh. Fest. Potsdam 1832. p. 96.



tenduntur, ac nonnunquam tam leves sunt, ut cum doloribus post partum secundariis confundantur, ad quod typus eorum ab initio remittens multum contribuit; nonnunquam tamen adeo intensi sunt, ac tam cito increscunt, ut motu corporis vel minimo ac levissima abdominis contractione immaniter augeantur. Decubitu hinc dorsali quietem, quam tamen non inveniunt, infelices sibi parare student aegrae. Abdomen insuper intumescit, durum ac tensum evadit. Percussio sonum ab initio clarum tympaniticum, serius exsudatione facta obtusum refert, fluctuatio eodem tempore percipitur. Physiognomia peculiarem animi dejectionem, imo desperationem exprimit. Pulsus plerumque parvus et contractus tangitur, frequentia ictus centum et triginta adtingit, imo superat. Respiratio aequae acceleratur ob inspirationes profundiores dolore abdominali cohibitas. Lingua sicca, muco obducta ac tam lata adparet, ut dentium impressiones ad ejus marginem offendantur, rarius in se quasi collapsa conspicitur. Alvus ab initio oppilata est, serius diarrhoeicarnit, lochii quantitate imminuuntur, imo omnino fluere cessant, qualitate ita alienantur ut mox serosa mox saniosa prospiciant, ac foetorem intolerabilem prae se ferant; interdum tamen nulla plane eorum anomalia animadvertitur. Ex uberibus collapsis flaccidis nullum plerumque lac secernitur, imo si secretio jam per aliquot dies rite processerat, sub morbi ingressu derepente supprimitur; lotium plerumque parcum turbidum, ac sero lactis simile reperitur. Cutis sicca pergamentacea, in extremitatibus maculis pallide rubris, quales erysipelati convenient, non raro notatur. Somnus aut plane deficit aut si tentatur somniis terrificis turbatur. Dolores in

abdomine admodum expanso ac tenso ad summum usque gradum evecti momento quasi cruciari cessant, quo facto vomitus vehemens materiam viridem aeruginosam efferens illico plerumque intrat, praeter sudores frigidos ac viscidos in fronte deliria blanda accedunt. Extremitates atque nasus frigus quasi marmoreum colorem coerulescentem excipiunt. Pulsus ob frequentiam et exilitatem numerari nequit.

Cuncta haec sunt indicia vitae in peripheria jam evanescentis.

Quodsi adfectio in abdomine inflammatoria ad exiguam nonnisi peritonaei plagam restringitur, tunc morbi decursus multo mitior absolvitur. Febris minus valida typum magis continuo remittentem manifestat, tensio et intumescencia abdominis in gradu minori consistunt, dolores saepius remittunt, de die in diem mitiores evadunt, denique plane silent. Diarrhoea et vomitus, ni plane absint, nunquam vehementia urgent. Attamen ne in his quidem casibus exsudatio desiderabitur.

Nonnunquam abdomen post omnium fere symptomatum imminutionem denuo increvisse, ac fluctuationem summe manifestam retulisse, ac in regione umbilici insigniter ac circumscripse protensum, colorem rubrum serius coerulescentem induisse visum est; quo facto abscessus per umbilicum evacuatio brevi post plerumque contingebat.

Suppuratio admodum profusa febrem nec non mortem frequenter invitat. Rarius, coalitione et cicatrizatione abscessus inducta, vita conservatur (1).

---

(1) Doublet nouvell. rechereh. sur la fièvre puerper. p. 326

Si peritonitis per longius tempus induraverit, ac favente therapia adaequata intensitatem amisit, tunc cuncta symptomata supra memorata pedetentim recedunt, excepto dolore obtuso, qui sub pressione aut trunci motu in una alterave abdominis parte percipitur. Hunc exitum evacuationis criticae plerumque comitantur: diarrhoea critica (Willis, White, Tissot,) aut sudores, critici (Delamotte), urina critica (Van Swieten, Doublet, Amard), salivatio (Puzos) et milliaria (Gastellier, Planschon) (1). Dolores, qui in stadio reconvalescentiae plerumque adhuc sentiuntur, ex tensione originem trahunt, quam intestina, ope lymphae plasticae conglutinata sub corporis motu hinc inde patiuntur. Nonnunquam tubae Fallopianae lymphæ in earum cavo exsudata concresecunt atque sterilitatem hac ratione inducunt (2).

Febris puerperalis typum continuo remittentem plerumque manifestat. Attamen Osiander et Stein febrem puerperalem intermittentem sese observasse profitentur. Ast in casu ab Osiander communicato ovarium sinistrum suppuratione omnino fere destructum offendebatur; motus igitur febriles intermittentes febris suppuratoriae magis quam puerperali tribuendi esse mihi videntur, tanto magis, quam ille ipse auctor apyrexiam nunquam perfectam fuisse refert. Medicus Mediolanus Cerri epidemiam memorat, in qua typus hujusce febris semper intermittens fuit (3).

Ejusmodi observationes etiam in lechodochio Pra-

---

(1) Baudelocque l. c. p. 103.

(2) Walter de morbis peritonaei p. 9. et sqq.

(3) Ozanan histoires des épidémies t. II.



gensi colligebantur, ubi annis 1833 et 35 haec febris endemice grassabatur (1).

## §. 2.

### COMPLICATIONES.

Qua complicatio frequentissima phlogosis organorum cavi pectoris obvenit, uti pleuritis, pneumonitis, pericarditis (2). Diagnosi perdifficilis est, quin meteorismus, mammarum volumen adauctum, atque summa aegrarum sensilitas stethoscopii usum ni cohibeant, tamen multum restringant. Qua symptoma characteristicum harum complicationum Baudelocque (3) sensationem pressionis ac doloris obtusi in inferiore sterni regione commemorat.

Uteri inflammatio febrem puerperalem non tam frequenter comitatur ut vulgo creditur. »Dicendum mihi est, ait Walter, me inter tantum numerum foeminarum feбри puerperarum mortuarum, quarum corpora secui atque diligentissime perscrutatus sum, nunquam inflammationem uteri, ut causam hujusce morbi, invenisse. Casus vero, ubi artis obstetriciae imperiti atque indociles uterum dilaniarunt, dilancinarunt et lacerarunt, excipio et hic omnino inflammatio uteri aderat; sed hae infelices non feбри puerperarum mortuae erant.« Complicatio cum uteri putrescentia saepius obvenisse autores referunt; ast diagnosi aequae difficilis est, quatenus velox

---

(1) Dissert. inaug. Joseph. Quadrat, Pragae. 1385.

(2) Elias v. Siebold Versuch d. pathologisch therapeutischen Darstellung des Kindbettfiebers. Frankfurt a. M. 1826. p. 31.

(3) Abhandlung über die Bauchfellentzündung der Wöchnerinnen; c. v. d. königlich. Societät d. Mediz. zu Bordeaux gekrönte Preisschrift. v. Dr. H. C. Baudelocque, aus dem Franz. v. Dr. Fr. Wilb. Fest. Potsdam 1832.

morbi decursus, dolores atrocissimi, per omne abdomen extensi, symptomata, quae putrescentiae conveniunt, plus minusve obscurant. Complicatio cum inflammatione membranarum synovialium articulorum ab Clarke, Stark et Boer notata est. „Quando, ait hic scriptor, febris initium ex phlogistico oedemate in quodam articulo duxit, aut tardius supervenit tumor, tunc eo post mortem inciso serosus, ut vulgo ex simili noxa, humor manat.“ In casibus rarioribus encéphalitis, cystitis, phlebitis uterina, phlegmasia alba dolens cum febris puerperali se conjungunt; aliquoties inflammatio et suppuratio symphyseos ossium pubis et sacro iliaca complicata obvenit (1).

### §. 3.

Respectu characteris dynamici triplex febris puerperalis forma assignari debet. Erethica forma inter reliquas frequentissima; obvenit in individuis sensibilibus, rarius boeoticis contagii influxui subjectis. Magnam symptomatum variabilitatem atypicam remissionem et acerbationem affectionis topicae motuumque febrilium prae se fert.

Fit inde, ut sub schemate alius saepe morbi delitescens medicum fallat, et nisi singularis aut potius specifice physiognomiae summe attentus sis cum febris lactea aut doloribus post partum secundariis commutes.

Orditur lassitudine, inquietudine, agilitate, nonnunquam delirio taciturno, aut singulari solum aegrarum loquacitate, physiognomia vel tristi et anxia, vel jocosa et

---

(1) Deneux, Procès verbal de la distribution des prix aux élèves sages femmes pour l'année 1826.

quasi ecstatica, cephalaea interdum vehementissima, visus auditusque hallucinationibus contemporaneis. Lingua adparet muco crasso obducta humida, aut prae rubra est. Cutis alias profuse viscida madet, alias calor ejus acer, digitos urens, siccus tangitur.

Abdomen aut modice elevatum aut penitus retractedum est, alias indolens, aut profunda solum ad regionem inguinalem contractio dolorem punctorium, acu quasi intrustrusa provocatum, ciere valet; alias nec minimus ventris expansi attactus possibilis, dolorumque scindentium superficiatim ferocia immanis, nec tamen continuus nec in una peritonaei plaga constanter fixa, ad regionem ovariorum plerumque assignatur exordium.

Quodsi pulsu quidem duriusculo et febris et affectione topica inflammatorium characterem mentiente dubia diagnosi venae sectio instituitur, tunc vero morbi character statim patefit; ictus enim arteriarum aut vix numerabiles, tremuli evadunt, aut celerrimi, contracti, alias mollissimi; aut in crescente reactione febrili eorum durities ad ultimum usque vitae momentum perseverat. Est vero detractus sanguis plerumque laete rubescens, cum crusta pleuritica tenui, in coagulum citius ruens, minus tamen firmum mox diffluit et cum sero largo in laticem flavido-viridescens transit.

Hoc stadium per tres quatuorve horas plerumque indurat, alias cum exsudatione jam pari passu incedit, alias horripilationibus aut horrore saepius regrediente mox vehementissime conquassante, nonnunquam tamen prorsus deficiente in alterum vergens insignitur.

Secundum stadium exsudatione notatum est.

Exsudationem aut major virium arteriosarum mo-



mentanea reactio, aut systematis nervosi lapsus, aut utriusque simultaneus comitantur. Faciem hippocraticam induit aegra, increscit ad summum gradum anxietas, tristitia, aut morbosa illa hilaritas; increscunt symptomata topica, imprimis dolor intensus sciudens lancinans, rarius ardens; accedit vomituritio et vomitus materiae viridescentis aeruginosae, aut mere serosae, aquosae, insipidae, largissimae, ex dolio quasi ruentis; accedunt animi deliquium, singultus et respirandi difficultates; abdomen in volumen immane expanditur, sphaericum, tensum, superius meteoristice resonans, inferius fluctuans et dolorificum.

Mox nec stragula ab inquietissimis modo aegris feruntur, mox subito ita conticet dolor, ut idem, quod nec minimum ante pauca momenta tulit adtactum, individuum contractionem abdominis ferat rudissimam. Pulsus celes, frequentes, inaequales sunt. Lotium nunc mittitur largius, turbidum mucoso aut puriforme sedimentosum.

Sub ulteriori decursu exsudatio, partim inter tubi intestinalis et uteri membranae mucosae strata, partim in cavum abdominis contingit.

Exsudatione exorta sphaera systematis nervosi gangliaris tantopere opprimitur, ut plexuum gangliarium paralysis vix debellanda videatur.

Hoc stadium ad diem pluresve protrahitur sub exacerbatione vespertina sive quotidiana, sive tertiana, nonnunquam de die duplicata, in multas saepe extenditur septimanas.

Stadium tertium adynamicum circa diem morbi quartam vel septimam plerumque intrat, exacerbatione febrili praegrediente, levi nocturno delirio, lingua et cute sicciscente. Puerperae nunc singulariter indifferentes eva-



dunt, aut animo valde variabiles. Sic multae conscientiae et memoriae vigore illaeso, physiognomia truce, pavida, oculis languidis, sanguine suffusis, profundo livide halonatis, facie collapsa, lurida, per vices rubente, incalente, mox iterum pallida, frigescente, in lecto inquietae incumbunt. Labentibus enim plerumque versus diem 5—7nam subito viribus accedit apathia, loquela debilis, balbutiens, sensuum hallucinationes, deliria jamjam diurna, temporanea, blanda, murmurantia; conscientiae rarius plenaria abolitio, dinos, capiplenium, baryecoa, erocidismus, muscarum captatio, subsultus tendinum; accedit abdominis minus dolentis meteorismus major; lactis ex uberribus flaccidis et lochiorum ex utero laxo fluxus planarie cessans; supervenit pulsum demum summa frequentia, celeritas, debilitas, inaequalitas. In suris et antibrachiis lividis interdum petechiae comparent, serius nigricantes, dum cutem, siccam et prius quasi pergamenteam macerat sudor universim modo frigidus, viscidus, cadaverosus. Ad genitalia saepe adparent ulcera ichorosa, nigricantia, gangraenosa foetidissima; lotium missum est turbidum, cum sedimento multo, puriformi, olidissimo, quasi putrido, cui non raro innatant flocci caseiformes; alvus ruit, alias pultacea, flavida, alias fluidior, nigricans, intolerabili foetore cubilia inquinans.

Nonnullae aegrae his rerum sub angustiis mortem certa hora insequenturam rite praesagiunt.

Huc pertinent quoque febris puerperalis ex genio morborum regnante varietates: gastrica et biliosa, quarum quaevis majori in statum paralyticum vergendi propensione, praeter reliqua tam manifeste insignitur.

## FORMA INFLAMMATORIA.

Constitutione atinosphaerica et genio morborum inflammatoria observata est.

Haec morbi forma robusta plerumque individua invadit et luculentius stadiis certis absolvitur. Character ejus proprius confirmatur energica systematis irritabilis inprimis sanguiferi reactione cum simultanea systematis nervosi passione, insigui quoque minus rapido decursu omniumque symptomatum constantia.

Haec morbi forma plerumque primaria ex inflammationibus ante aut sub partu in abdomine saevientibus sese evolvit.

Stadium primum.

Horror plerumque intensus, aut sub partu, aut post eundem intrat, quem calor excipit siccus, universalis cum pulsu accelerato, pleno, duro. Eodem saepe momento persentiunt puerperae in aliqua abdominis plaga dolorem exiguum, punctorium aut ardentem.

Paulo post puerperae valde anxiae, inquietae, tristissimae fiunt, huc illucque in lecto se circumjactitantes, difficilius respirium trahentes.

Calorem universim adauctum siccum excipit modo sudor largus universalis, febrilem aestum quidquam levans, malum topicum vero nullatenus complacans. Id vero ex dolorum sede, eorum in-et extensitate mox aemulatur peritonaeitidem veram, mox ovaritidem, mox metritidem; alias serosam enteritidem, splenitidem, hepatitidem, alias demum epiploetidem aut mesenteritidem.

Inde magna dolorum et symptomatum ominosorum varietas; qui sub enteritidis imagine incedit morbus ex

omnibus reliquis varietatibus gravaminibus suis semper molestissimus.

In hoc stadio plerumque lochiorum fluxus plane cessat. Cutis transpirationem plerumque siccitas intolerabilis excipit, urina mingitur parca, flammea alvusque opilata manet.

Pulsus inflammatorius, quippe fortis, plenus, magnus, durus aut contractus, parvus.

Sanguis e vena missus conspicitur profundius ruber, firmum crassamentum formans, crusta pleuritica largissime tectus, sero parcissimo.

Neuropathiam vero hujus stadii evincunt: nunquam desiderata physiognomia trux, oculus torvus, singularis illa immanis anxietas et inquietudo, vox et loquela quidquam alienata, nec non psychica actio turbata, facie multoties lurida, collabente; hippocrática. Raro contingit morbum in hoc stadio debellare, etsi per biduum tri-duumve in hoc perduraverit; frequentissime in alterum transit.

Stadium secundum. Imminutae nonnunquam adparent ad horas aliquas affectionis topicae molestiae, at brevi horror intensus redit, quem calor excipit internus, sudore modice et inaequaliter prorumpente raro levandus. Nunc sub dolorum summo augmento, nec minimus ad tactus abdominis expansi possibilis ardens in imo ventris flamma, tantoque saepe atrox evadit, ut immani anxietate et inquietudine puerperae circumjactitatae, materies sub nimio conamine et gemitu perpetuo alias viridescentes, aeruginosas, summe amaras, alias coffeaceas, foetidas vel sanguine dissoluto mixtas vomitu ejeciant.

Puerperae functionibus cerebri illaesis dolorum atro-



cia ineffabili excruciatæ in internis quasi aduruntur, in extremis partibus lividis frigescunt; sudore fere cadaveroso largissimo tectæ; pulsu admodum contracto, parvo, fili-formi, inaequali, debili, velocissimo, qua signa topicae inflammationis in gangraenam transitionis.

### FORMA PUTRIDA.

Rarissime cernitur, tumque cum putrescentia uteri complicata, progeniem sistit sideris urentis, morborumque genii bilioso-typhosi.

Plerumque valetudo in graviditate turbata erat; nixus praesentibus jam horroribus continuis et calore urente una cum physiognomia validopere alienata, in multos dies protrahitur. Effluit amnion aeruginosum et lassus uterus difficillimo conamine aut nonnisi artis auxilio in lucem edit infantem mortuum nonnunquam jam putridum, Sequitur modo febris intensior, evadunt ægræ anxiae, tristissimæ; facie livida. Ex utero ruunt lochia largissima, dissoluta, cadaverosi foetoris. Stadium irritativum cum exsudativo uno ictu conjunctum intrat; sequitur dein stadium putridum seu colliquativum. Colliquationes adparent in omnibus fere secretoriis colatoriis. In cute livida sudore viscido madida petechiae dein prorumpunt nonnunquam. Evolvitur dein status paralyticus sub consueta symptomatum caterva, lapsu tamen cum insigni systematis irritabilis energiae pari passu incedens.

Sub colliquativa humorum jactura mors valde quieta scenam omnem excipit. Quae hoc detinentur morbo individua, minus robustis plerumque venoso-lymphaticis adnumeranda sunt; decurrit in iis morbus per 5 — 25 dies atque semper morte inevitabili finitur.

## §. 4.

## OBDUCTIO.

Cadavera febris puerperali defunctorum universim cito in putredinem inclinant, imprimis earum, quae putrida obeunt.

Genitalia externa plerumque foeda, liventia: exco-riata, ulcerosa absque omni exanthematis praegressi vestigio. Mammae frequentissime flaccidae, lacte egenae, ductus lactiferi sero albescente infiltrati, lobuli glandulae lacteae plus minusve tumescentes.

Cavum cranii. Epidemia Vindobonae observata ad characteristicum morbi praegressi referebatur symptoma: novae quippe lamellae osseae in interna cranii facie ad os frontale et bregmaticum formatio.

Durae matris, plerumque incrassatae, vasa venosa semper sanguine atro rubro turgent, injectione arteriarum rarissima; extravasatum sanguinem frequentius in illis obvenit, quibus mors apoplectica ultimum vitae imposuit diem.

In cavo abdominis quoad peritoneum exsudatumque in genere plures inveniuntur modificationes.

In febris puerperali erethica atque in inflammatoria, peritoneum plerumque mox rosaceo, mox magis profunde rubet, plerumque tamen in locis, quae cum exsudato, firmitus intestinis adhaerente, in immediatum adtactum veniunt. Est vero haec vasorum injectio a sanguine venoso ex majoribus vasorum ramis in minimos distributa; plerumque ad regionem hypogastricam, rarius ultra restricta. Cernuntur dein plagae amplae gangraenosae, ubi mors per gangraenam inducta est.

Exsudatum cavi abdominis duplex plerumque obvenit, alterum serosum, alterum plasticum, coagulatum, caseiforme vel puriforme (1).

Pars serosa, alias turbida, sero lactis simillima, valde foetida, alias rutilans magis puriformis, sat tamen fluida, vulnere illata semper paene phlebitidem dirissimam (2); textusque cellulosi sphacelosam degenerationem procreans, intermixtam sibique innatantem partem consistentiorem tenet. Est vero haec floccosa materia in coagula firmiora, magna, concreta (3), plerumque intestino colo adhaerens, aut e cavo pelveos, utero intus profundiusque presso, magna quantitate sursum emergens. Format plerumque pseudo-membranas ad multas lineas crassas, omnibus saepe cavi abdominis organis firmiter adhaerentes aut ponticulos spatia et intestinorum tenuium inter gyros superstructos; alias velamenta circa hepar, lienem, uterumque cum adnexis ovariis incrassata, ex stratis saepe duplicibus constantia, novae generationis producta qua firma cernuntur involucra.

Morbo diutius protracto serosum saepe deficit exsudatum et plasticum modo unam massam firmiter coagulatam praesentat (4).

Singula organa abdominalia plerumque plus minusve irritata, vere inflammata, imo gangraenosa adparent.

In intestinis tenuibus non raro ulcuscula exsudati stimulo nata adparent.

(1) Baudelocque l. c. p. 187. et sqq.

(2) John Clarke p. 102.

(3) Baudelocque l. c. p. 187.

(4) Idem l. c. p. 189.



Hepar plerumque grande, haud raro inflammatum et exsudato plastico obtectum, reperitur.

Sed accuratius paulo genitalia investigemus.

Uterus plerumque est mollis, relaxatus supra symphysin expansus, magnitudinem exaequans, tertio vel quarto graviditatis mense solemnem.

In febris inflammatoria et erethica, quae in stadio exsudativo puerperas sustulit, vasa arteriosa et venosa sanguine laete rubente turgent.

Nonnunquam uterus externe et in sua substantia ceterum illaesus ad regionem insertionis ligamentorum tum rotundorum tum latorum, aut massam in textu celluloso gelatinosam aut materiem puriformem sat densam in venis infiltratam, aut in abscessibus reconditam continet (1). In febris putrida plagae amplae lividae, aut gangraenosae in externa uteri facie imprimis ad fundum palam fiunt.

Interna uteri facies raro normalis, plerumque discolor, viridescens exsudatum lymphaticum continet. Membrana mucosa in suis stratis plerumque alienata, emollita facileque secedens.

Ligamenta uterina alias normalia, alias livida, tubis Fallopiianis incrassatis, pure repletis.

Ovaria plerumque (2), ast non semper morbose affecta; serosa involucri eorum, detracta pseudomembrana plastica exsudata, plus minusve rubent. Magnitudo eorum saepe supra gradum normalem aucta.

Massa eorum sanguine infiltrata, friabilis, gelatinosum plerumque exsudatum aut abscessulos continet.

---

(1) Baudelocque l. c. p. 193.

(2) Carus, medizinisch-chirurgische Zeitung. Salzburg 118. B. II, S. 78.



Orificium uterinum et vagina excoriata, non raro partim gangraenosa (1), semper sanguine scatent. Cavum pectoris aut normale aut exsudato plastico repletum, pulmonibus cum pleura costali per pseudomembranas concretis, nec non cum mediastino, eandem membranarum serosarum degenerationem uti peritoneum praesentat.

Vasa maiora et venosa et arteriosa nonnunquam symptomata praegressae phlogosae exhibent, sanguinem spissum, atrum continentia.

### §. 5.

#### AETIOLOGIA.

Sachtleben (2) accuratius sententias de natura atque causis febris puerperalis ab Hippocrate usque ad scriptores recentiores perlustrat.

Qua causa praedisponens vita plastica nec non sensilitas in graviditate adaucta praecipuam sibi postulat attentionem.

Haec exaltatio non in solis organis genitalibus sed per universum potius corpus obtinens post partum et lactis secretionem et lochiorum fluxu et transpiratione cutanea in statum normalem reducit. Cuncta quae hos processus turbant, morbum ipsum facile cient. Sed ratio universae oeconomiae vitalis huic periodo tam peculiaris est, ut processibus paulo ante memoratis rite procedentibus nihilominus aliis causis morbus effici possit. Quas igitur singulas perscrutari conabor.

(1) Willis de febribus puerperalibus p. 289.

(2) Kritik der vorzüglichsten Hypothesen die Natur, Ursache und Heilung des Kindbettfiebers betreffend etc. von Dr. Dietr. Wilh. Sachtleben. Leipzig 1793.

Morbis chronicis sive in abdomine, sive in pectore, sive in cerebro obtinentibus febris puerperarum sese adjungere amat.

Observationes ejusmodi memoratu dignissimas Baudelocque affert (1).

Tum vero febris puerperalis minus periculosa facilius remediis adhibitis debellari videtur. Multi auctores, ut Doublet, Oslander, Hufeland, Busch, observarunt, partus faciliores et breviori tempore absolutos magis febris puerperali favere, quam difficiliore et arte perfectos. Cujus rei causam in eo invenire liceat, quod sensilitas a natura ad hunc finem accumulata partu justo leviori non satis consumatur. Vehementiores vero atque intensiores uteri contractiones non minus morbum gignere possunt.

Jam ad insultationes uteri mechanicas pervenimus. Usus instrumentorum, placenta manibus ruditer deprompta, praesertim si eodem tempore vagina aut uterus vulnerantur. Nec minoris momenti haberi debent laesiones abdominis externae, sive ictu, sive lapsu, sive fasciis strictius applicatis (2) effectae. Diaeta nimis irritans durante graviditate, aequae ac victus necessarius deficiens valde noxia fiunt.

Suppressionem lochiorum plurimi scriptores causam cardinalem febris puerperalis censent.

Lochiorum fluxus absque dubio a natura eo consilio institutus est, ut major in organis genitalibus vigor vitalis post partum sensim sensimque ad normam redeat. Qua

---

(1) l. c. p. 12.

(2) *Peu Pratique des accouchements* p. 526.

secretione suppressa, processus vitalis facile in alio quodam organo alacrius prorumpit atque in inflammationem tendit.

Saepe vero lochiorum suppressio peritonitidis exsudativae jam praesentis sequela haberi debet. Lactis porro suppressio, etsi medici eandem interdum nimii duxere, iisdem tamen rationibus ac lochiorum suppressio febrem puerperalem procreare valet; saepe enim occurrit, peritonitide exsudativa jam saeviente, lactis secretionem demum inchoare.

„Tamen haud infrequens est, Burserius ait, lactantes quoque feбри puerperali interdum corripī et periclitari, quod non semel nobis videre contigit; imo lac quandoque copiosum, praesente hac feбри in mammis secerni, eoque mammas ad postremum usque morbi stadium manifeste turgere.“ (Institut. med. pract. p. 525.)

Veruntamen medici peritissimi observarunt, febrem puerperalem leviozem secretionē lactis rite insequente nonnunquam tolli. Lactationem quoque noxiam fieri, imo peritonitidem exsudativam ciere posse exemplo demonstrat luculento Vandenzande (1). Puellae 22 annos natae valetudine satis robusta mammae brevi post partum lacte turgēbant; quae igitur neonato primo die porrigēbantur. Insequente vero die mater sub lactatione doloribus in abdomine vehementibus corripiebatur, ut neonatum lacte amplius imbuere recusaret. Diaphoreticum lene in vehiculo mucilaginoso dabatur matri mammas prae-

---

(1) Considérations sur les maladies des femmes, connue sous les nom de péritonite et de fièvre péritonale. Antwerpen 1821, p. 54.



bere infantulo nihilominus jussae. Sed eodem die dolores admodum incresebant, febris intrabat fortis, fluxus lochiorum cessabat, mammae collapsae lacte privabantur; pulsus durus, contractus atque parvus evadebat. Aegra solummodo dorso incumbere poterat. Quibus signis febris puerperalis satis manifestabatur. Ope calomelanos, unguenti cinerei atque laudani liquid. Sydenh. valetudo restituta est.

Similia exempla refert Baudelocque.

Obstructio alvi plerumque febris puerperali sporadice grassante occurrit, et causa et effectus morbi esse potest. Causa nempe, dnm excrementa accumulata intestina irritant, effectus vero, dum peritonitide secretiones tubi intestinalis restringuntur. Excretio quoque urinae partu impedita, tensione abdominis peritonitidem afferre potest.

Retentionis ac putrescentiae placentae summum periculum afferentis Delamotte (1) casum insignem memorat. Ad puerperam febris vehemente laborantem arcessebatur. Abdomen expansum, durum adeoque dolorificum inveniebat, ut ne levissimum quidem obtegumentum toleraretur. Lochiorum fluxus e duobus diebus suppressus erat; cujus loco liquidum e fusco nigrum cute exhalabatur odoris foetidissimi.

Quamquam obstetrix fide firmaret, placentam incolumen prodiisse, nihilominus, digito in orificium uteri internum illato, particulam placentae nec non parvula sanguinis coagula depromsit, quae omnia odorem intolerabilem spargebant.

Nocte insequente plures adhuc partes ejusdem in-

---

(1) *Traité des accouchements* p. 1176.

dolis sponte abiere ac matutino jam tempore symptomata omnia periculum minitanti evanuerant. Casum aeque memorabilem refert Harvey (1).

»Puerperae cuidam nobilissimae, febricitanti, quod lochia nulla profluerent, pudendi labia tumida erant et fervida; matricis ejus orificium durum et clausum instrumento ferreo immisso per vim aliquantulum aperui, ut injectionem per syphunculum admitteret, indeque grumescens, ater foetidusque sanguis ad libras aliquot effluxit cum praesenti aegrae levamine.« Animi pathemata vehementiora, uti ira, terror, porro refrigerium non solum genitalium sed et totius corporis, aër denique impurus corruptus causae quoque frequentissimae sunt febris puerperalis et endemice et epidemice grassantis.

### §. 6.

#### PROGNOSIS.

In omni febre puerperali tum sporadica, tum epidemica, (de qua Willis monet »Febres acutae puerperarum in mortem ut plurimum cedunt«), prognosis mala, ratio enim sanatarum ad mortuas sese habet in prima ut 1:3, in altera, ut 1:5:9, imo in epidemia, quae anno 1808 in nosocomio Parisiensi quod dicitur Hôtel de dieu, grassabatur e 39 aegris, 36 morte ereptae sunt.

Faustior praedicanda, quae primariae ex turbatione quacunque puerperii prodit, illa, quae ex constitutione specifica atmosphaerae et singulari morborum genio generatur.

In constitutionis nervosae puerperis pessime morbus

---

(1) Exercitat. de generat. p. 523 et 24.

decurrit, melius in arteriosa; infaustius iterum in venoso-atrabilariis.

Meliorem agnoscit, quoad partum, prognosin morbus detinens puerperam, actu hoc gravi aut demum artificiali peracto; pejorem vero, ubi partus justo levior atque citior occurrit.

Febris puerperalis ante aut sub partu intrans perniciosa, quam si serius oritur.

Prognosis faustior in erethica et inflammatoria febris puerperali, pejor in erethica adynamica, pessima in putrida.

Ex singulis symptomatibus, physiognomia tristissima, lurida, collapsa aut nimis jocosa, hilaris, turgida, alias facies tumida, apathica, alias hippocratica; cutis flaccida, frigidiuscula, aut pergamenea, sicca, nimis calens, insignis inter adfectionem topicam et febrem dysharmonia, coenaestheseos dein specifica alienatio ea sunt, quae aegrae mortem certam faciunt. Malam insuper terminationem praedicant, magna symptomatum cephalicorum aut thoracicorum molesta syndrome. Diarrhoea effrenis, cutis marmori similis, status dein comatodes cum pulsu debili, celerrimo, frequentissimo, filiformi.

Faustam prognosin admittunt in genere minor epidemiae intensitas; prospera prius nec somaticis aerumnis, nec psychicis turbata valetudo; forma morbi erethica aut inflammatoria, minus rapidus ejus decursus, minor prodromorum cohors, minus alienata coenaesthesia, minor imprimis universim symptomatum nervosorum syndrome.



## §. 7.

## THERAPIA.

Partim ad prohylaxin partim ad curam ipsam respicere debet.

Primo respectu separentur omnes puerperae a gravidis, separentur dein omnes correptae, si fieri potest a reliquis aliis morbis laborantibus.

Munditie strenua, puritate, et aëris continua renovatione contagii in epidemiis evolutio prohibeatur.

Secessus gravidis destinati a refrigerio sint tuti, atque excretiones aegrarum illico exhabitaculis auferantur. Graviditatis ultimum momentum partusque periodus cautissime tractetur, omnesque in illo deviationes regimini medico et obstetricio subjiciantur; caveatur imprimis ab omni rudiore exploratione.

Attendatur praecipue, ne puerperii functiones ulla ratione turbentur, promoveantur uberior lactatio, lochiorum fluxus, cutanea dein transpiratio et alvina excretio. Impediatur, quantum fieri potest, refrigerium omne, diaeteticus error, omnis psychica alienatio, puerperis summe nociva.

Cura ipsa in genere haud fausto hucdum coronatur eventu. Morbo vero ignoto nulla alia ratione mederi possumus, nisi rationali indicationi suffulcita, et characteris et formae et stadii, in quo morbus versatur, nec non molestissimorum symptomatum respectu habito.

In stadio prodromorum adfectionibus ut plurimum inflammatoriis, catarrhosis, rheumaticis, spasmodicis, quae magnam morbo exoriundo dispositionem foveant, modo methodus antiphlogistica rigorosa modo mitior, modo re-



media emollientia, evacuantia, modo diaphoretica, antispasmodica opponi debent.

In primo igitur stadio, ubi adfectio topica et reactio universalis sub characterè inflammatorio adparet, adparatus antiphlogisticus rigorosissimus adhiberi debet. Venæsectiones largissimæ ad unc. X — XX. instituendæ et re urgente bis terve de die repetendæ sunt. Larga insuper hirudinum ab XV — XXX. vel curcubitarum cruentarum quantitas ad abdomen adfectum applicetur, et fluxus sanguinis cataplasmatum emollientium ope per horas plures sustentetur. Interne remedia, oleosa, involventia cum salibus neutris, fructus acido dulces, imprimis Manna. Egregium effectum nonnunquam habet tart. stibiat. r. d. cum remediis involventibus, ubi simul ad diaphoresin major adparet nisus.

Systematis nervosi abnormis irritatio partim alterantibus, ut tart. stibiat. r. f., partim narcoticis mitiganda est. Huc spectant Ext. Hyoscyam., Plv. hb. Belladonn. in veliculis mucilaginosi nec non aqua laurocérasi. Systematis vero arteriosi et nervosi irritatio nullo modo, nisi balneis tepidis gradum 28 R. melius temperatur.

Ad exsudationem perniciosam præcavendam omnis opera dirigi debet. Hoc consilio glaciēs in- et externe a Stegmann et aliis laudatur, alii vero ab hoc remedio nullum viderunt fructum. A. Most summis effertur laudibus acid. Halleri, c. laud. liquid. Sydenh. forma guttarum certis intervallis adhibitis, præcedente universali sanguinis depletionē.

Ab aliis Tartar. stibiat. et Ipecacuanh. laudantur, quorum virtus autem aliorum experientia non confirmatur.

Sæpius rapida morbi evolutio, dum expostulat re-

media cito agentia, temporis exiguum morbi decursui destinatum spatium plerumque virtuti interiorum medicaminum explicandae non sufficit. Hinc potius remedia externa ut cucurbitae cruentae, sinapismi acerrimi, balnea tepida tentanda sunt. In febris puerperali crethica depletiones sanguinis locales et quidem iteratae, rarius universales aptae videntur. Malo topico inflammationem aemulante interne simul parcas mercurialium doses et externe fomentationes tepidas,unctiones ung. ciner. et balnea administrare licet.

Ad excedentem systematis nervosi et arteriosi activitatem compescendam medici usi sunt:

1) emeticis, ut rad. Ipecacuanh. cum vell. absq. tart. stibiat.

2) alterantibus narcotico-acribus, ut r. Ipecac. hb. digit. in infuso fervido  $\text{℥} \text{ss}$  scrupulo binisve ad colat.

#### §IV — VI.

Urgente diarrhoea exhibeantur uti prius cochleatum omni hora, sed in connubio cum mucil. gi. arab. unc.  $\beta$  — I.

3) alterantibus in connubio mercurialium, ut Plv. r. Ipecac. gr.  $\frac{1}{2}$  — 1. pro dosi cum Calomelan. gr.  $\frac{1}{4}$  — 1. omni bihorio sumendis.

4) Belladonna largiori manu exhibita, uti ad gr.  $j\beta$  gr. jj. pro dos. omni hora vel bihorio in pulvere aequae vaniter laudatur.

Circa diem tertiam organa secretoria leniter laperiunda sunt, ut facilius crises intrent. Hoc consilio tart. stibiat. r. d., diaphoretica leviora, Pulv. Doweri non sine fructu porriguntur.

Oleum terebinthinæ Anglis medicis panacea a Germanis medicis raro sine damno propinatum est.

Formæ febris puerperalis adynamicæ in stadio primo characterem inflammatorium induentes rigorosiorem therapiam respuunt, potius alterantem solventem diaphoreticam poscunt.

Suppressio omnium se et excretionum puerperis convenientium summa attentione digna est.

Diaphoresis potibus tepidulis largioribus, balneis; lactis fluxus suctione infantum robustorum aut extractione cucurbitarum siccarum aut vitrorum ope, applicatione fomentationum tepidularum augeatur. Lochiorum fluxui uberiori alliciendo fomenta ad genitalia applicata, cucurbitae siccae ad femora, injectiones in uterum tepidae inserviunt.

Alvus enematibus emollientibus, oleosis, cum salibus mediis moveatur.

In stadio altero exsudatione facta therapia diversa esse debet.

Continuans ex stimulo exsudati phlogosis vehementior plerumque, illa, quae rarius stadium primum comitatur, exsudatum largius producit, reactionem ciens plerumque cum lapsu systematis nervosi gangliaris intime copulata.

Tunc phlogosis mitiganda, exsudatio jam praesens auferenda atque vires sustentandae sunt.

Ad phlogosin frangendam plerumque depletiones sanguinis locales, regimen stricte antiphlogisticum, apparatus revulsorius, interne Calomel., Digital., Tart., emet. r. d. et externe inunctiones mercuriales largiores sufficiunt.



Exsudatum igitur excessu systematis irritabilis effectum iisdem solis remediis, quibus inflammatio extinguitur, ad resorptionem ducitur.

Ad irritationem systematis nervosi complacendam digit., aq. laurocer. hyoseyam. nec non Opium cum Calomelane conjunctum in usum trahitur.

Transitus vero in paralysin dynamicam, lapsusque virium vitalium remedia postulat excitantia. Quo in numero laudantur Arnica, Valeriana, Senega, Liq. cc. succ., Camphor., Moschus, externe balnea, vesicantia, linimenta volatilia.

In febris puerperali putrida in altero stadio omnis methodus excitans, antiseptica, tonica frustra plerumque tentatur.

Quodsi denique morbus stadio secundo diutius protrahitur indeque ascites purulentus restat, adparatu antiphlogistico seposito, remedia diuretica antiphlogistica adhibeantur; imprimis digital. c. Nitro, Cremor. tart., Tart. emet. r. f., cum kali acet., kali carbon., kermes cum digitali. Ad remedia externa spectant excellentissimum in his circumstantiis unguentum cinereum. Serius ad remedia diuretica acriora, uti squill., digital. largiori dosi, belladonna, polyg. Senegae cum rad. Arnic. et praeparata Juniperina fiat transitus, dum externe administrantur balnea tepida, inunctiones mercuriales, inunctiones cum tinct. Canth. cum oleo Terebinthinae.

Pluries quoque, diuresi male procedente ex torpore et atonia in omnibus organismi functionibus conspicuo, ad remedia solventia amara confugiendum est in coniugio cum diureticis jam memoratis; sunt vero: Chelidonium majus, Calam. aromat., trifol. fibrin., ononis et absinthium. Alias ad mere excitantia tonica, uti ad Caryophyllatum, Salicem et Corticem peruvianum cum Senega, Roob junipero, Squilla, Spiritu nitrico vel muriatico aethero junctos transeundum est.

---

---

## VITAE CURRICULUM.

---

**E**go Franziscus Gustavus Boisserée die xxvi. Novembris anni MDCCCX Coloniae Agrippinensis natus sum parentibus Guilelmo Boisserée et Josepha e gente ab Uphoff, sola superstite. Religionem catholicam profiteor.

Gymnasium Coloniense catholicum ab a. MDCCCXXII usque ad xxx frequentavi. Maturitatis testimonio munitus Universitatem Heidelbergensem petii, ubi a Prorectore Magnifico Ludovico Gmelin in numerum civium Academicorum receptus per duos annos versatus sum. Scholae quibus interfui hae sunt.

Generalis et specialis botanice apud doct. privatim docentem Dr. Bischoff.

Physice theoretica cum experimentis conjuncta apud clar. Profess. Munke.

Zoologia apud cl. Profess. Leuckard, chemia anorganica atque organica apud cl. Prof. Gmelin.

Anatomia et physiologia systematis nervosi nec non organorum ad sensus spectantium apud doctiss. privatim docentem Dr. Arnold.

Anatomia ac Physiologia; et formationis foetus humani historia apud praecclar. Prof. Tiedemann, Ophthalmiatria apud clar. Prof. Chelius. Pathologia specialis ac therapia apud cl. Puchelt.

Tunc valetudine adversa coactus patriam redii ibique per semestre commemoratus sum.

Dein Halam profectus a Profess. illust. Dzondi jam beato numero civium academicorum adscriptus sum.

Hisce scholis interfui, praelectionibus clariss. Prof. Krukenberg de morbis pulmonum, cordis atque cutis, nec non de morbis organorum gastricorum, atque sensuum; Prof. cl. Blasium disserentem de chirurgia, fasciis rite adplicandis, de fracturis atque luxationibus nec non de aciurgia audiui.

Clinicum medicum practicum sub auspiciis illustriss. Prof. Krukenbergi florens per biennium frequentavi.

Clinicum chirurgicum moderatore Profess. clar. Blasio per annum.

Clinicum obstetricium, quod praecl. Profess. Niemeyer dirigit per semestre.

Postea aliam litterarum sedem Berolinensem petii, ubi rector Magnificus Busch inter cives academicos me recepit. Per semestre clinicum chirurgicum Praesidis illust. Rust, clinicum ophthalmiatricum Professoris illust. Juengken, clinicum pro sanandis infantulis clariss.

Barez visitavi. Quibus viris illustrissimis et Professoribus et praeceptoribus optime de me meritis gratias, quam maximas ago.

Tentamine vero et examine rigoroso rite absolutis, dissertatione thesibusque defensis, spero fore ut summi in medicina et chirurgia honores per Decanum maxime spectabilem in me conferantur.

---

## T H E S E S.

---

1. Balnea maritima maxime nervorum robur restitunt.
  2. Lithotritia interdum lithotomiae praeferenda est.
  3. Hydrops non est morbus sed morbi symptoma.
  4. Febris intermittens est morbus nervosus.
-